



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Constitutviones Ex Concilio Galteri Archiepiscopi Senonensis.

urn:nbn:de:hbz:466:1-15625

** Min-
denſis* & Henrici regum reuerendiſſimorum congregati ſunt epiſcopi numero octo, Herimannus Agrippinenſis archiepiſcopus, Theido Vviri Zeburgenſis epiſcopus, Luitharius * Mundanenſis epiſcopus, Dodo Oſnaburgenſis epiſcopus, Rihgnouunno Vvormatienſis epiſcopus, Rithuuius Stratzburgenſis epiſcopus, Vnuuanus Padeburnenſis epiſcopus, cum abbatibus, aliisque ſacri ordinis viris quamplurimis. Qui ipſo cooperante, ſententias eorum confirmante Domino Chriſto, in ſynodali reſidentes Conuentu, multa vtilia ac ſancta Dei eccleſie profutura ſaluberrimo tractantes conſilio, inter cetera qua ſtatuerunt, hoc maxime neceſſarium, & inſtanti (proh dolor) tempore per abuſionem frequentiſſimum cognationis inceſtum ſumma cautela vitandum firmauerunt: hoc eſt, ne vllus Chriſtianus infra ſeptimam generationem nuptias copulare preſumat. Hæc apud Iuonem: præter hæc de ipſa nihil.

CONSTITVTIONES EX CONCILIO GALTERI ARCHIEPISCOPI SENONENSIS.

Obiit 923.
archiepi-
ſcopus 53.

I.

** Videtur
deſſe, ad
Synodū.* STATVIMVS, vt abbates, & priores conuen-
tuales, qui nec venerint *, nec ſe excuſauerint, præ-
tendendo canonicum impedimentum, per octo dies ab ingreſſu eccleſie ſuspendantur, & pœ-
na, quantum ad hoc Conciliis ſtatuta eſt, ſub com-
minatione maioris pœnæ, ſi aliis annis ſupra his
culpabiles inueniantur *.

** Videtur
deſſe,
multen-
tur.*

II.

** forte,
aliquod
depoſi-
tum* Propter ſcandala graua quæ ex monialium con-
uerſatione proueniunt, ſtatuiſmus de monialibus ni-
gris, ne * aliquem diſpoſitum recipiant in domi-
bus ſuis ab aliquibus perſonis, niſi de licentia epi-
ſcopi ſui: maxime arcas clericorum, vel laicorum,
cuſtodie cauſa minime permittant apud ſe de-
poni.

III.

Item communiter omnes in reſectorio come-

dant, & in dormitorio dormiant, nisi ex causa iusta & necessaria de licentia speciali abbatissæ aliter fieri permittatur.

IV.

Item cameræ monialium omnes destruantur, nisi aliqua quæ in susceptione episcopi necessario retineatur, vel ad infirmariam faciendam, vel alia de causa quæ episcopo iusta & necessaria videatur.

V.

Item quod moniales nullatenus exire permittantur, vel extra pernoctare, nisi ex magna causa, & raro, & abbatissis iniungatur, ne aliter egredi permittantur: & si aliquando abbatissa ex causa iusta alicui permittat, eidem iniungat quod sine mora reuertatur.

VI.

Ostia suspecta & superflua obstruantur, circa hoc autem episcopi diligentiam adhibeant & curam per se & per ministros suos, & vitas & conuersationes ipsarum restringant, vt per eorum diligentiam scandala, quæ in præsentis de vita earum proueniunt, sopiantur.

VII.

Statuimus vt omnes iudices, tam ordinarii quam delegati, temperent se & refrenent a generalibus excommunicationibus, nec in generali participantibus excommunicent, nisi valde grauis & enormis excessus contingat.

VIII.

Moneantur capitula sæcularium personarum,

maxime cathedralia, vt ipsi conueniant, & ordinent, & tractent quod in ecclesiis suis die & nocte, per se & per clericos ecclesiarum, diuinum seruitium assidue, competenter, secundum numerum institutorum, & facultatem ecclesiarum celebretur, & circa seruitium diuinum diligentiam & curam adhibeant efficacem, ita quod modus habendi se in ecclesia, tam in choro quam extra, euidenter & sufficienter, vbi emendatione opus erit, emendetur infra annum.

IX.

Moneantur etiam canonici & clerici sæculares, quod ipsi, in habitu suo & aliis, præcepta tradita in generali Concilio fideliter & obedienter obseruent.

X.

Statuimus vt in locis siue prioratibus, vbi conuentualis congregatio solet esse, si facultates illius ecclesiæ suppetant, conuentus ibidem restau-
retur.

XI.

Item quod in domibus siue locis vbi solebant esse prioratus, si facultates locorum sufficient, monachi vel canonici regulares ad diuinum seruitium ibidem celebrandum reducantur.

XII.

Monemus abbates & priores conuentuales, quod tot seruitores in abbatiis & prioratibus sibi subditis instituant, si ad hoc sufficiant facultates locorum, quot ibi deseruire solent, & ne pensionem siue censum ab eisdem exigant, quem non solent

exigere ab antiquo, nisi forte alicui ex iusta causa ab episcopo suo permittatur.

XIII.

Statuimus quod clerici ribaldi, maxime qui vulgo dicuntur de familia Goliæ, per episcopos, archidiaconos, officiales, & decanos Christianitatis tonderi præcipiantur, vel etiam radi, ita quod eis non remaneat tonsura clericalis, ita tamen quod sine periculo & scandalo ista fiant.

XIV.

Item antiquum statutum Concilii prouincialis rursus renouantes præcipimus, quod quando aliqua terra propter delictum domini terræ vel balliuorum supposita fuit interdicto, nullatenus relaxetur, donec ad arbitrium & moderamen relaxantis presbyteris parochialibus de damnis & de perditis interdicti occasione illatis plane fuerit satisfactum, vel de satisfaciendo cautum.

CONCILIVM CABILONENSE

IN ECCLESIA SANCTI MARCELLI

martyris in suburbio.

ANNO
CHRISTI
915.

IN hac Synodo, ut rerum Burgundicarum scriptores narrant, Roculfus comes Matisconensis, cum res ecclesiæ illius peruassisset, intentatæ, ni pareret, excommunicationis metu, ablata restituere coactus est. Adfuisse autem Synodo narrant Austerium archiepiscopum Lugdunensem, Leoninum item Vefontionensem, & Agium Narbonensem, Ardradum Cabilonensem, Elisabachrem Bellicensem, & Odelardum Maurianensem episcopos.